

Kalaallit Nunaanni ilinniarnermut inuutissarsiutinillu ilitersuineq pillugu Namminersornerullutik Oqartussat nalunaarutaat

Kalaallit Nunaanni inuutissarsiutitaarniarluni ilinniartitaanermut, ilinniarnermut tapiisarnermut inuutissarsiutinillu ilitersuinerneq Inatsisartut peqqussutaat nr. 4 24. oktober 1980-imeersoq naapertorlugu Kalaallit Nunaanni ilinniarnermut inuutissarsiutinillu ilitersuineq pillugu maleruagassat imaattut aalajangersarneqarput.

Kapitali I.

Siunertaq.

§ 1. Ilinniarnermut inuutissarsiutinillu ilitersuineq ataasiakkaat ilinniakkamik imaluunniit inuutissarsiummik qinersinissamik piareersarneranni qinersinerannilu inuiaqatigiillu sulisussanik ilinniarsimasunik atorfissaqartitaannut suleqataassaaq.

Imm. 2. Iltersuineq pissaaq ataasiakkaat soqutigisaat piginnaasaallu sianigalugit, taakkununga siunissamilu fagit imaluunniit fagikkuutaat iluanni inuiaqatigiit pisariaqartitaannut naapertuuttuni, taamaalilluni ataasiakkaat naammaginnartumik ilinniagaqarsinnaaqqullugit sulinikkullu inuiaqatigiit kalaallit akornanni inississinnaaqqullugit.

Imm. 3. Ilinniarnermut inuutissarsiutinillu ilitersuineq inuiaqatigiinni kalaallini innuttaasunut tamanut ammavoq kommunellu suliffissarsiuussisarnermut allaffii, kommunet/nunap immikkoortuisa inuutissarsiutinut siunnersorta, meeqqat atuarfiat aamma inuutissarsiutinut ilinniarniit aqutugalugit pisassalluni.

§ 2. Ilinniarnermut inuutissarsiutinillu ilitersuinerneq pineqartoq tassavoq ataatsimoortunik ilitersuineq ilinniagassamik imaluunniit inuutissarsiummik qinersinissamik piareersarnerneq ikiuunnissamik siunertaqartoq, ataasiakkaanullu kissaateqartunut ikiuuffiusoq.

Imm. 2. Iltersuinerneq pisariaqartitsisut eqqarsaatigalugit ilitersuinerneq ingerlatat ataqatigiissinniartariaqarput tassaalersillugit ilitersuinissamik neqeroorutit ataqatigiissut pisariaqartitat tamakkerlutik naammaginnartumik attorneqarnerannik isumannaallisitsisut.

Imm. 3. Iltersuinissamik neqeroorutit ataqatigiissinneqarnerat kommuneni nunallu immikkoortuini pissaaq taakkunani inuutissarsiornikkut periarfissat piusut eqqarsaatigineqartullu sianigalugit.

Kapitali II.

Aqqissugaanera.

§ 3. Kommunemi suliffissaqartitsiniarnermut udvalgip suliffissaqartitsiniarnermi/inuutissarsiutinut siunnersorti piginnaatissinnaavaa ilinniarnermut inuutissarsiutinillu ilitersuinerneq udvalgimik

pilersitsinissamut suliffissaqartitsiniarnermut udvalgip ataani sulisussamik, ilitseruissamik neqeroorutit pilersinneqarnissaannut ataqatigiissinneqarnissaannullu tunngasunik suliaqartussamik ilitseruinemullu tunngasut pillugit siunnersuuteqartarsinnaasumik.

Imm. 2. Ilitseruinnermut udvalgi ukuninnga ilaasortaqaassaaq: najukkami suliffissaqartitsiniarnermut allaffup pisortaa, inuutissarsiutinut siunnersorti, kommunep atuarfeqartani ilinniarnermut inuutissarsiutinullu tunngasunik paasisitsiniaanermit ilinniartitsisut, sungiffimmi inspektøri, inersimasunik atuartitsinermit pisortaq, inuutissarsiornermut ilinniartitsisut imaluunniit ilinniartitsisut kommunemiittuni ilinniarnermi ilitseruissat. Suliffissaqartitsiniarnermut allaffik udvalgip allaffeqartatut sulissaaq.

Imm. 3. Udvalgi pisariaqarsorinninneq tunngavigalugu immikkut paasisimasalinnik aggeqqusisinnaavoq.

Imm. 4. Udvalgip suleriaasissani nammineq aalajangissavaa.

Imm. 5. Udvalgi peqataasuni soraartoqartarnera ivertittoqartarneralu malillugit nammineq ilaasortalersortuuvoq.

Kapitali III.

Suliassat.

§ 4. Udvalgip ataatsimoortunik ataasiakkaanillu ilitseruineq ataqatigiississavaa aammalu kommunemi/nunap immikkoortuani ilinniarnermut inuutissarsiutinullu paasisitsiniaanerit annertunerusut ataqatigiissittassallugit, najukkami inuutissarsiornermut tunngasut pillugit paasisutissartassalluni kiisalu inuusuttut meeqqat atuarfiannit qimaguttussanngortut atuarfik qimatsinnagu peqqissaartumik sukumiisumillu tamakkerlutik ilitserorneqarsimanissaat qulakkiissallugu.

§ 5. Udvalgip inuutissarsiutinik misiliinerit, pulaarnerit aammalu meeqqat atuarfiata sunngiffimmi atuartitsinera, inersimasunik sunngiffimmi atuartitsineq, najukkami inuutissarsiutinut ilinniartit atuarfiillu allat pillugit paasisutissiniinerit piareersartassavai, ilinniartut/sullissat pillugit paasisutissanik tunioraqatigiinneq kiisalu inuiaqatigiinni avatangiisigisani ilinniartissat ingerlatallu pillugit ilisimateqatigiinneq piareersartassallugit.

§ 6. Udvalgi ikinnerpaamik ukiumut 4-riarluni ataatsimiittassaaq. Ukiumi atuartitsiviusumi ataatsimiinnermit siullermi, ukiumi atuartitsiviusumi qanoq iliuusissat piareersarneqartassapput.

§ 7. Pisariaqarpat udvalgi suliffeqarfimmit allanit - nakorsaqarfimmit, angajoqqaanit, sulisitsisunit - ilinniartut/sullissat ataasiakkaat sulissunnerannut pingaarutilinnik paasisutissaateqarsinnaasunit paasisutissanik pissarsiniarsinnaavoq.

Imm. 2. Udvalgip, udvalgillu ilaasortaasa ataasiakkaat kiisalu ilinniartup/sullissap akornanni tatigeqatigiinnissaq pissutigalugu paasisutissanik taamaattunik pissarsiniarneq pineqartoq imaluunniit pineqartup angajoqqaavi/angajoqqaarsiai paaseqatigilluarlugit pisassaaq.

§ 8. Udvalgip minnerunngitsumik inuusuttut kommunep/nunap immikkoortuata nunaqarfiini najugaqartut isumaginiassavai. Taakku illoqarfiit inuusuttortassat ilitserorneqarnissamut periarfissaqartinneqarnissaat qulakkeerneqassaaq.

§ 9. Ilinniartut kommunemi najugaqartut aammalu inuutissarsiutinut tunngasunik ilinniartitsinermit inuutissarsiornermit Naalakkersuisoqarfimmit, ilinniartitaanermut inspektøreqarfimmit aqunneqartuni peqataasussat piffissaatillugu eqqortumillu peqataaniarlutik nalunaarnissaannut udvalgi akisussaavoq.

§ 10. Udvalgi sulinini pillugu ukiumut ataasiarluni kommunep suliffissaqartitsiniarnermut udvalgianut nalunaaruteqartassaaq. Nalunaarut taanna suliffissaqartitsiniarnermut udvalgip kommunalbestyrelsemut aamma nuna tamakkerlugi suliffissaqartitsiniarnermut ataatsimiittitaliamut nalunaarutaanut

ilanngunneqassaaq.

Imm. 2. Suliffissaqartitsiniarnermut udvalgi ilitseruinermit udvalgimik atimini sulisussamik pilersitsinngippat suliasatkap.III-mi taaneqartut suliffissaqartitsiniarnermut udvalgimit namminermit isumagineqassapput.

Kapitali IV.

Aningaasalersorneqarnera.

§ 11. Iitseruinermit udvalgimi ilaasortat kursuseqartinneqarnerannut atasumik aningaasartuutit - akissarsiat peqataasut ataasiakkaat suliffeqarfiit akilerneqartussat saniatigut - Namminersornerullutik Oqartussanit kursusini peqataasunut kommunet aningaasalersueqataanissaannik aalajangersagaliorsinnaasunit akilerneqassapput.

§ 12. Udvalgip ataatsimiittarnerinut allaffeqarfeqarnermullu aningaasartuutit suliffissaqartitsiniarnermut allaffiup ingerlanneqarneratigoortumik akilerneqassapput.

§ 13. Kommunemi/nunap immikkoortuani ilinniarnermut inuutissarsiutinullu tunngasunik paasisitsiniaaffiusumik aaqqissuussinernut annertunerusunut aningaasartuutit taassuma, Inuutissarsiornermi Naalakkersuisoqarfiup ilinniartitaanermullu inspektøreqarfiup isumaqatigiinniareernerisigut Namminersornerullutik Oqartussanit akilerneqassapput.

Kapitali V.

Atortuulersitsineq.

§ 14. Nalunaarut una atortuulerpoq 1. november 1982.

Namminersornerullutik Oqartussat, ulloq 3. september 1982.

Lars Emil Johansen

/

Emil Abelsen

Namminersorlulik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut